


# TEPPI SAUMUÐ ÚR TAUBÚTUM

— sem síðan eru stoppuð upp

Verslunin Virka sf. hefur um tveggja ára skeið haldið námskeið í bútasámi. Algengast er að nemendur saumi teppi á einu námskeiði, sem varir í sex vikur, þrjá tíma í senn. Farið er í gegn um grundvallartriði, nemendur gera prufur af algengustu mynstrunum. Prufurnar eru það stórar að þær er hægt að nýta í púða eða að útbúa fleiri prufur sem síðar er hægt að sauma saman í teppi.

Námskeiðin eru öll kvöld frá mánudegi til fimmtudags frá kl. 20—23, einnig á mánudögum og fimmtudögum frá kl. 17—20. Eftirmiðdagsnámskeið kosta 450 kr. en kvöldnámskeið kr. 500.

Helgi Þór Axelsson og Guðfinna Helgadóttir, eigendur Virku sf., fengu hingað til lands Marti Michell, en hún á eitt stærsta safn antik bútasaumsteppa sem fyrir finnst. Hún kom með um 40 teppi sem eru nú til sýnis á Kjarvalsstöðum, ásamt vinnu nemenda frá Virku. Á sýningunni verður lítið vinnuhorn, þar sem gestir geta tekið þátt í gerð bómullarmyndaramma undir leiðsögn frú Marti Michell eða Guðfinnu Helgadóttur sem kennir á námskeiðum hjá Virku.




Á byrjendanámskeiðunum sem Virka heldur er kennt að búa til púða, en marga slíka búta mætti nota í eitt teppi. Allt efni sem þarf í púða fæst tilbúið í pakka og kostar frá 80—160 krónur.



Þessir hlutir eru tilsníðir í pökkum og kostar hver pakki um 120 krónur.

búna efni sem þarf í eitt teppi. Kostar efni í eitt teppi frá 500 krónum allt upp í 900 krónur ef um tvíbreitt rúmteppi er að ræða. Efnisstrangarnir eru 115

cm breiðir og kostar metrinn 44—50 krónur en vatterað efni 119 kr. metrinn. Það er því hagstæðara að kaupa efnið og klippa það niður



Guðfinna Helgadóttir hefur lært bútasámi í Bandaríkjunum og kennt hér á námskeiðum. Teppið á myndinni er eftir einn nemanda hennar.

DV-mynd Eiríkur Jónsson.



5 mýs í kassa kosta 375 krónur og þrjú ungar í pakka kosta um 90 krónur. Lítil stykki sem á eftir að sauma saman kosta frá 38 krónum.

DV-myndir Ragnhildur Ragnars.

## Klippum niður Ónýtar flíkur

Áður fyrr voru barnaföt saumuð upp úr fótum fullorðinna og þegar börnin höfðu slitið sínum, þá voru heillegustu fletirnir klipptir út í búta og þeim safnað saman til að búa til teppi og aðra hluti. Þegar auðveldara reyndist að fá bómull varð þetta tólmundagaman eða list og hlutirnir gjarnan notaðir til gjafa. Saumaskapur á þessum teppum er gömul hefð en ávallt koma upp nýjar hugmyndir og nú er mikið lagt upp úr fallegum litasamsetningum sem hæfa heimilunum.

Í versluninni Virku fást yfir 600 tegundir af efni sem er flutt inn frá Bandaríkjunum. Ákveðinn þéttleiki verður að vera á hvern fersentimetra, svo vattstungan haldi sér betur. Það er þægilegt að kaupa kassa með til-

## 11 tonn á viku af íslenskum „frönskum“

# BORGAR SIG AÐ FLYTJA INN KARTÖFLUR TIL VINNSLU

„Þetta gengur alveg ljómandi vel við framleiðum núna um 11 tonn á viku og seljum það nærri því allt saman,“ sagði Karl Gunnlaugsson kaupfélags-



stjóri í Kaupfélagi Svalbarðseyrar. Núna um mánaðamótin hafði kaupfélagið búið til og selt „franskar kartöflur“ í eitt ár.

Ástæðan fyrir því að við höfðum samband við Karl var að fyrir nokkru kom fram í síðunni að fluttar væru inn kartöflur til Svalbarðseyrar sem færu í þessa framleiðslu. Lék okkur hugur á því að vita hvort þetta borgaði sig fremur en að flytja inn tilbúna „franskar“.

„Já, ég held að þetta borgi sig. Við vinnum úr okkar kartöflum en urðum að flytja inn til viðbótar vegna þess að svo mikið fór undir snjó í gördunum í haust,“ sagði Karl.

Þeir Svalbarðseyringar hafa fyrst og fremst verið að selja heimilunum „franskar kartöflur“. Núna eru þeir

hins vegar að byrja að selja þær á veitingahúsin. Þar er náttúrulega hinn stóri markaður og önnur eins ókjör og við kaupum af „frönskum“ á veitinghúsum.

Svalbarðseyringar annast sjálfir dreifingu kartöflanna um allt land utan Stór-Reykjavíkursvæðisins. Þar er það Grænmetisverslun landbúnaðarins sem dreifir.

Við spurðum Karl að lokum hvort von væri á fjölbreyttari framleiðslu að norðan, svo sem alveg tilbúnum kartöflulögum og öðru slíku „snakki“.

„Nei, það er allt önnur framleiðsla sem krefst allt annars vélakosts. Við erum eingöngu með vélar fyrir „franskar“ og förum ekki út í frekari framleiðslu,“ sagði hann.

Þykkiþingast hyggjast hins vegar fara að framleiða soðnar kartöflur í bitum. Þá eru kartöflurnar hálfsoðnar, pakkaðar í lofttæmdar umbúðir og settar á markað. Þegar þær eru keyptar síðan aðeins að bregða þeim í pott. Erlendis njóta slíkar kartöflur sívaxandi vinsælda eftir því sem tími til heimilisstarfa minnkar.

-AS

## Ánægð með bók- halds- bókina

S.H. skrifar:

Beztu þakkið fyrir allt gamalt og gott. Um leið og ég þakka ykkur fyrir heimilisdagbókina langar mig að segja ykkur að ég er mjög ánægð með uppsetningu hennar núna. Munar þar öllu niðurröðun vikunnar á hverri blaðsíðu.

Vinsamlegast reyndið framvegis að gefa út nýja bók á réttum tíma. Það munandi minnstu að allt bókhaldið færi til fj... hjá mér vegna þess hve útkoma hennar dróst. Ég skrifa alla eyðslu í bókina en nota síðan veggspjaldið „spari“ og færi inn á það allan mánuðinn í heild.

Svar:

Beztu þakkið fyrir bréfið og hlý orð í okkar garð. Utgáfustjórnin tekur núna næstu daga ákvörðun um næstu heimilisdagbók þannig að ef allt fer að óskum ætti hún að geta komið á réttum tíma.

DS

Við fáum ekki betur séð eftir mikla og flókna útreikninga bæði á tölvu og blaði en hvert mannsbarn borði 48 grömm af íslenskum „frönskum kartöflum“ á hverri viku. DV-mynd Einar Ólason.